

ხელშეკრულება სახელმწიფო შესყიდვის შესახებ №16-17

(გამარტივებული ელექტრონული ტენდერი SPA170001844)

ქ. თბილისი

09 თებერვალი, 2017 წ.

ერთის მხრივ, შპს „ჯიარ ტრანზიტი“ (ს/კ 402020022) (შემდგომში - შემსყიდველი), წარმოდგენილი მისი დირექტორის, დავით ჩირაძის სახით და მეორეს მხრივ, შპს „ანკო“ (ს/ნ 405050885) წარმოდგენილი მისი დირექტორის, ანა მეტრეველის სახით (შემდგომში - მიმწოდებელი), ვდებთ წინამდებარე ხელშეკრულებას, შემსყიდველის მიერ კომპიუტერთან დაკავშირებული მოწყობილობების პრინტერების (CPV 30232100) შესყიდვის მიზნით გამოცხადებული, გამარტივებული ელექტრონული ტენდერის (SPA170001844) საფუძველზე.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ - კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

1.7

2. ხელშეკრულების საგანი

2.1. ხელშეკრულების საგანია პრინტერების სახელმწიფო შესყიდვა (CPV - 30232100).

2.2. შესყიდვის ობიექტის ზუსტი აღწერილობა, რაოდენობა და ფასები მოცემულია დანართ №1- ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1 ხელშეკრულების ღირებულება შეადგენს 5920 (ხუთი ათას ცხრაას ოცი) ლარს, საქართველოს კანონმდებლობით დადგენილი გადასახადების გათვალისწინებით.

3.2 ერთი ერთეული შესასყიდი ობიექტის ფასი მოცემულია დანართ №1- ში, რომელიც წარმოადგენს ხელშეკრულების განუყოფელ ნაწილს. ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს და საქართველოს კანონმდებლობით დადგენილ ყველა გადასახადს.

4. მხარეთა ვალდებულებები

4.1 მიმწოდებელი ვალდებულია:

4.1.1 უზრუნველყოს საქონლის მიწოდება ეტაპობრივად ან სრულად წინამდებარე ხელშეკრულების გაფორმებიდან შემსყიდველის მოთხოვნის საფუძველზე 10 კალენდარული დღის განმავლობაში.

4.1.2 მიწოდებული საქონლის სწორი ექსპლოატაციის პირობებში წარმოქმნილი გაუმართაობანი უნდა აღმოიფხვრას მიმწოდებელი კომპანიის მიერ უსასყიდლოდ. საგარანტიო მომსახურება უნდა განხორციელდეს კომპანიის სერვისცენტრში. წუნდებული საქონლის შეკეთება/შეცვლა უნდა მოხდეს მისი კომპანიის წარმომადგენლისთვის გადაცემიდან 30 დღის განმავლობაში. საქონლის სერვისცენტრში წაღებას და ასევე შეკეთებული/შეცვლილი საქონლის უკან დაბრუნებას უზრუნველყოფს მიმწოდებელი საკუთარი ხარჯით.

4.1.3 განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

4.2.1 უზრუნველყოს ხელშეკრულების პირობების შესრულების კონტროლი;

4.2.2 განახორციელოს ამ ხელშეკრულებით მასზე დაკისრებული სხვა ვალდებულებები.

5. შესყიდვის ობიექტის მიწოდება, ვადა და ადგილი

5.1. შესყიდვის ობიექტის მიწოდების ვადაა ხელშეკრულების გაფორმებიდან, შემსყიდველის მოთხოვნის საფუძველზე 10 კალენდარული დღის განმავლობაში.

5.2. შესყიდვის ობიექტის მიწოდების ადგილია თავისუფლების მოედანი №4, GMT-პლაზა, მე-4 სართული.

6. ხელშეკრულების პირობების შესრულების კონტროლი

6.1. შემსყიდველმა პროდუქციის მიწოდებისთანავე უნდა ჩაატაროს ხელშეკრულების პირობების შესრულების კონტროლი, რომელსაც განახორციელებს შემსყიდველის თანამშრომელი დავით იამანიძე ხოლო მიმწოდებელი ვალდებულია ხელი შეუწყოს მას კონტროლის განხორციელების დროს.

6.2. შემსყიდველის შესაბამისმა წარმომადგენელმა (წარმომადგენლები, მოწვეული ექსპერტი) საქონლის მიწოდებისთანავე უნდა ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 10 (ათი) სამუშაო დღის განმავლობაში გამოასწოროს წუნი.

7. საქონლის მიღება-ჩაბარების წესი

7.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით. მიღება-ჩაბარებას განახორციელებს შემსყიდველის თანამშრომელი დავით იამანიძე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

8.1.1. ანგარიშსწორების ვალუტა – ლარი.

8.1.2. ანგარიშსწორების ფორმა – უნადოდ, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი ორგანიზაცია ვალდებულია, მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშსწორება განხორციელდება ანგარიშ-ფაქტურის წარმოდგენიდან და მიღება-ჩაბარების აქტის გაფორმებიდან 10 სამუშაო დღის

ვადაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11-ე მუხლის შესაბამისად.

10. ხელშეკრულების პირობების შეუსრულებლობა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13.4 მხარის მიერ ხელშეკრულებით ნაკისრი ვალდებულების არაჯეროვანი შესრულების შემთხვევაში მეორე მხარე დამრღვევ მხარეს აძლევს 5 დღიან დამატებით ვადას. იმ შემთხვევაში თუ დამატებით ვადაშიც ვერ მოხდა ხელშეკრულებით ნაკისრი ვალდებულების შესრულება, მხარე უფლებამოსილია შეწყვიტოს ხელშეკრულება, ხოლო დამრღვევი მხარე ვალდებულია აანაზღაუროს მიყენებული ზიანი.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელმოწერის დღიდან და მოქმედებს 2017 წლის 31 დეკემბრის ჩათვლით.

15. ხელშეკრულების პირობების გადასინჯვის შესაძლებლობა

15.1 წინამდებარე ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებთან და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

17.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და ხელმოწერილი მხარეთა მიერ.

18. მხარეთა რეკვიზიტები:

შპს „ჯიარ ტრანზიტი“

ს/კ 402020022

მის: ქ. თბილისი, თავისუფლების მოედანი №15

ბანკი: სს „თიბისი ბანკი“

ბანკის კოდი: TBCBGE22

ანგარიშსწორების ანგარიში:

GE68TB7764636070100001

შპს „ანკო“

ს/კ 405050885

მის: ქ. თბილისი, ი. პეტრიწის ქ. 5ა

ბანკი: სს „თიბისი ბანკი“

ბანკის კოდი: TBCBGE22

ანგარიშსწორების ანგარიში:

GE28TB7802736080100001

დირექტორი
დავით ჩირაძე



დირექტორი
ანა მეტრეველი



დანართი №1

№	შესყიდვის ობიექტის დასახელება და ტექნიკური მახასიათებლები	რაოდენობა	ერთ. ფასი	საერთო ფასი
1	პრინტერი - Canon ix 6840: - გარანტია: არანაკლებ ერთი წელი. - პრინტერის ტიპი: ჯავლური, ფერადი. - ბეჭდვის მაქსიმალური სიჩქარე-მონოქრომული : არანაკლებ 14.5 გვერდი/წთ (A4 ფორმატისთვის); - ფოტოსურათის (10X15) ბეჭდვის დრო: 36 წამი ან ნაკლები. - რესურსი: არანაკლებ 12000 გვერდი თვეში. - ფერადი ბეჭდვის გაფართოება: 9600X2400 dpi - ქაღალდის თავსებადი ფორმატები: A3+,A3,A4,A5,13x18,A6. - თავსებადი ქაღალდის ტიპები: სტანდარტული ქაღალდი, კონვერტები, პროფესიონალური ფოტოქაღალდი, ქაღალდი დიდი გაფართოების ბეჭდვისთვის. - ქაღალდის სიმკვრივე: 64-105 გ/მ² - მხარდაჭერა: Air Print. - WIFI სტანდარტები: Wi-Fi IEEE802.11 b/g/n. - ინტერფეისი: WIFI, 10/100 Ethernet, USB 2.0. - ქაღალდის მოსათავსებლის მოცულობა: 150 ფურცელი. - ოპერაციული სისტემის მხარდაჭერა: Windows 8.1 / 8 / 7 / Vista SP1 & SP2 / XP SP3 or later. - კარტრიჯის მოწყობილობის ტიპი: 5 სხვადასხვა ფერის კარტრიჯი.	4 ერთეული	830 ლარი	3320 ლარი
2	HP LASERJET PRO M521DN (A8P79A): - გარანტია: არანაკლებ ერთი წელი. - ტიპი: ლაზერული მრავალფუნქციური მოწყობილობა - ბეჭდვის ფორმატი: A4 - ქსელური ინტერფეისი: USB 2.0, Ethernet - ავტომატური ორმხრივი ბეჭდვის მოდული: კი - პირველადი კარტრიჯები კომპლექტში: კი პრინტერის ფუნქციები - ბეჭდვის ტექნოლოგია: ლაზერული - ბეჭდვის ტიპი: მონოქრომატული - შავ-თეთრი ბეჭდვის მაქსიმალური სიჩქარე: 40 გვ/წთ - პირველი ამონაბეჭდვის გამოსვლის დრო: 8 წმ ასლის გადაღების ფუნქციები - შავ-თეთრი ასლის გადაღება - შავ-თეთრი ასლის გადაღების მაქსიმალური სიჩქარე: 40 კოპია/წთ - ასლების მაქსიმალური რაოდენობა: 99 სკანერის ფუნქციები - სკანერის ტიპი: პლანმეტრი, დოკუმენტების მიწოდების ავტომატური სისტემით (ADF) - ოპტიკური გაფართოება (პლანმეტრი): 1200x1200 dpi - სკანირების სიჩქარე (შავ-თეთრი): 19 გვ/წთ - დოკუმენტების ავტომატური მიწოდების მოცულობა: 50 გვერდი - ფაილ ფორმატების მხარდაჭერა: PDF, JPG, RTE, TXT, BMP, PNG, TIFF - ციფრული გაგზავნის სტანდარტული ფუნქციები: E-mail ქაღალდის მიწოდება - საქაღალდე: 2 (შესაძლებელია დამატებითი საქაღალდის დაცემა) - ქაღალდის გადაცემის მოცულობა (ADF): 50 გვერდი - ქაღალდის თავსებადი ფორმატი: A4, A5, A6, A4, B5 (JIS), B6 (JIS), 10x15 სმ, კონვერტები (B5, C5, C6, DL), ბარათები (JIS) დისპლეი - ზომა: 3,5" - დისპლეის პარამეტრები: სენსორული LCD დამატებითი მახასიათებლები - ოპერატიული მეხსიერება (RAM): 256 MB - ბეჭდვის თვიური მოცულობა: 75000 გვერდი (A4) - ოპერაციულ სისტემებთან თავსებადობა: Windows 8; Windows 7; Windows Server 2012/2008/2003 (32Bit); Windows XP (32Bit); Windows Vista; Linux; Mac OS კომპლექტაცია: - კვების კაბელი - საწყისი კარტრიჯი	1 ერთეული	2600 ლარი	2600 ლარი

დირექტორი
დავით ჩირაძე



დირექტორი
ანა მეტრეველი

